

INFAD salur ilmu, martabat Islam

Pusat penyelidikan, perunding berwibawa berkaitan fatwa bertaraf dunia

membantu umat Islam di mana saja mereka berada.

Tambahan pula, zaman ini semua maklumat berada di hujung jari dan adanya pusat rujukan hukum atau fatwa yang berwibawa akan membantu maklumat yang tepat disebarkan seterusnya dapat menjawab kemusykilan yang timbul.

Pengurusan bertaraf dunia

Penubuhan Institut Pengurusan dan Penyelidikan Fatwa Sedunia (INFAD) yang bernaung di bawah Universiti Sains Islam Malaysia bertujuan menjadi sebuah institusi penyelidikan, perundingan dan pusat pengurusan maklumat berkaitan fatwa bertaraf dunia.

Setelah sepuluh tahun berperanan sebagai pusat pengurusan dan pengumpulan fatwa dunia, INFAD kini bukan saja sebuah pusat penyelidikan tetapi juga menjadi pusat perundingan yang berwibawa dalam aspek berkaitan fatwa.

INFAD juga menawarkan perkhidmatan kepakaran serta penyediaan input acara profesional kepada masyarakat, badan-badan kerajaan dan bukan kerajaan, pihak lain yang berminat bagi memperkukuh fungsi institusi fatwa.

Inilah paradigma baru pusat pengumpulan fatwa bertaraf dunia yang mampu memberi khidmat kepada umat Islam yang lebih menyeluruh. Dengan matlamat memartabatkan institusi dan integriti fatwa, INFAD memastikan fatwa yang telah diputuskan dapat disalurkan dengan pantas.

Antara bidang yang difokus oleh INFAD ialah menjalankan penyelidikan berhubung dengan konsep, kepentingan



Fatwa membantu umat Islam mendapat jawapan kepada kemusykilan yang timbul.



dan hubungan fatwa dengan keperluan semasa dalam sejarah perundangan Islam selain mengkaji kedudukan serta peranannya institusi fatwa dalam masyarakat di negara Islam.

Sesuai dengan tumpuan umat Islam kini yang lebih terarah kepada keperluan ilmu pengetahuan yang merangkumi semua aspek kehidupan, institusi pengurusan fatwa menyediakan ruang penyelidikan yang memberikan maklumat berimpak tinggi kepada umat Islam seluruhnya.

Membantu kemajuan Islam

INFAD juga mengkaji fatwa yang telah dikeluarkan di seluruh dunia dari segi kaedah, landasan dan pertimbangan yang digunakan dalam mengeluarkan sesuatu hukum serta sebab berlaku perbezaan atau kesannya dalam pembangunan sosial, politik dan ekonomi umat Islam.

Selain itu, INFAD turut mengkaji

proses pengeluaran dan mekanisme penguatkuasaan fatwa dari sudut perundangan di negara-negara Islam serta negara umat Islam adalah minoriti. Tujuannya, untuk membantu negara itu memperkasakan proses pengeluaran dan penguatkuasaan fatwa, sekali gus membantu kemajuan Islam.

Sebagai 'pusat sumber' yang menjadi medan ilmu, INFAD mewujudkan dan mengemas kini koleksi penerbitan, penyelidikan serta data berkaitan fatwa yang dihasilkan di seluruh dunia.

Inilah paradigma baru yang mampu membuka jalan lebih luas kepada proses penyampaian ilmu dan memartabatkan Islam serta umatnya sesuai dengan hasrat kerajaan untuk melahirkan modal insan yang mampu mentransformasi diri dalam kerangka tersendiri.

Penulis ialah Penyelaras Unit Penerbitan, Institut Pengurusan dan Penyelidikan Fatwa Sedunia (INFAD) Universiti Sains Islam Malaysia (USIM)



NIK SALIDA SUHAILA NIK SALEH

Keperluan masyarakat Muslim seluruh dunia yang memerlukan pengetahuan mengenai hukum tidak dijelaskan dan dinyatakan dalam al-Quran perlu diraikan dengan menyediakan sebuah pusat pengumpulan fatwa sebagai wadah rujukan.

Setiap negara Islam di dunia sewajarnya mempunyai institusi mufti dan fatwa yang berkaliber, mampu menjadi pusat rujukan dan pengurusan maklumat berkaitan fatwa. Pusat rujukan fatwa seluruh dunia yang lengkap, sistematik dan terkini adalah keperluan utama umat Islam hari ini.

Berbeza setiap negara

Fatwa setiap negara mungkin berbeza dan ia memerlukan kepakaran yang bukan calang-calang daripada cerdik pandai yang mempunyai ilmu pengetahuan mendalam dalam isu yang memerlukan 'jawapan' kepada sesuatu persoalan.

Institusi pembangunan Islam seperti institusi fatwa perlu mengambil kira bukan saja keperluan masyarakat setempat tetapi juga umat Islam seluruh dunia. Maklumat itu sudah tentu dapat